

M141: Mariensequenz aus St. Lambrecht (Seckau)

0,1 Sequentia Ave dv vil schoniv Maris stella .
0,2 ce selden alleR diet exorta .
0,3 gotes muteR Maria .
0,4 Frov dic gotes porta .
0,5 div verslozzten gebaere
0,6 die sunne . der vvarheit .
0,7 mit maidelicher reineheit .
0,8 mit menncklicheR nature
0,9 got ce dirre werlte braechte .
0,10 Maget alleR maget .
0,11 schone . als div sunne .
0,12 himelischiu chuniginne .
0,13 dirre vverlte gimme
0,14 erchenne alle die dich mi-nent .
0,15 vn- mit rehte- glovben ce dinen gnaden dinge-t .
0,16 Dich bezeichnenot div aarones gertee .
0,17 div in dem dinchuse alle verte
0,18 brahte bluode . vn- wucher
0,19 als wunt'lichen vvurte du mut' .
0,20 die alten vate' din e
0,21 wunsten . vn- die wissagen .
0,22 Dv bist eine ein stamme
0,23 des lebens . daz eua
0,24 in de- paradyse uerlos .
0,25 du sie den tot . erchos
0,26 gotes gebot sie vb'gie .
0,27 von danne ir aft'chumfte michel sere lie .
0,28 Do den schephaere . sin gnade ermante .
0,29 daz er die mennesliche brovde erchant .
0,30 den engel Gabriel mit nivver boteschafte zv dir sant .
0,31 eR sprac . "Aue Maria .
0,32 du bist genaden plena .
0,33 alait du swangeR wirst .
0,34 iz ist got selbe den du gebirst ."
0,35 Be disem worte
0,36 himilissiv porte .
0,37 enpfinge i- dinem reine- libe
0,38 daz du doch niht vvurde ce bvibe